

Oqaluuserisassanut nassuaat.

(Inatsisartut Siulittaasuat)

Siunnersuuteqartut oqaluuserisassani immikkoortoq 91 tunuartippaat. Siunnersuutip quleqtaraa: Naalakkersuisut aningaasanik nuussuisarnerit transferpricingimik taaneqartartut maleruagassaannik nalilersuinermik UPA2023-mi agguassassinissamik peqquneqarnissaannik Inatsisartut aalajangiiffigisassaatut siunnersuut. Tassani siunertarineqarpoq, akileraartarnermi pilersaarusiornermi annertusiartortitsinnginnissamik pinaveersimatitsineq qulakkiissallugu, inatsisillu sukatigassaanersut, taakkua ataaniillutik attuumassuteqartoqannginnissamik periutsip eqqortinneqarnera.

Oqaluuserisassani immikkoortup 25-ip aappassaaneerneqarnissaa pingajussaaneerneqarnissaalu maajip ulluisa 18-iannut maajillu ulluisa 27-iannut kinguartinneqarput. Siunnersuutip quleqtaraa: Utoqqalinersiaqarneq pillugu Inatsisartut inatsisaata allanngortinneqarnissaa pillugu Inatsisartut inatsisissaattut siunnersuut, aamma siusinaartumik pensionisiat pillugit Inatsisartut inatsisaata allanngortinneqarnissaanut siunnersuut.

Kultureqarnermut, Ilanniartitaanermut, Ilisimatusarnermut Ilageeqarnermullu Ataatsimiitaliaq oqaluuserisassani immikkoortup 44-p aappassaaneerneqarnissaata maajip ulluisa aqqaneq-aappaannut siuartinneqarnissaanik qinnuteqarpoq.

Immikkoortup 44-p quleqtaraa: Nunatta nunatut timersornikkut unammersuartarfissaat pillugu suleqatigiissitap misissuinera UKA2019/32-imik inatsisartut aalajangiussaat naammasseqqullugu misissuinerullu inerniliussai saqqummiuteqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Suleqatigiissitap suliai kingusinnerpaamik UPA2023 nallertinnagu saqqummiunneqassapput.

Oqaluuserisassani immikkoortut 95 aamma 134 aappassaaneerneqarnissaasa maajip ulluisa 19-iannut nuunneqarnissaannik ataatsimiititaliaq aamma qinnuteqarpoq:

Immikkoortut pineqartut qulequtaraat:

Immikooortoq 95: Tasiilami efterskolemik pilersitsinissaq siunertaralugu pilersaarummik UPA 2023-mi Naalakkersuisut saqqummiusseqqullugit Inatsisartut aalajangiiffigisassaattut siunnersuut.

aamma

Immikooortoq 134: Tasiilami adventure efterskolemik pilersitsinissamik Naalakkersuisut peqquneqarnissaannik siunnersuut.

Taasisarnerit pillugit uku akornanni isumaqatigiissuteqartoqarpoq:

Knud Mathiassen, Inuit Ataqatigiit aamma Pele Broberg, Naleraq.

Kristian Jeremiassen, Inuit Ataqatigiit aamma Hans Enoksen, Naleraq.

Mariane Paviaisen, Inuit Ataqatigiit aamma Anna Wangenheim, Demokraatit.